



Sta. Cruz, 31 di October 2018

Apreciabel Mayor,

E prome trimester ta yegando su final y pa sera esaki e ta custumber di Colegio San Antonio pa organisa un periodo di prueba coordina. Esaki ta nifica cu tur alumno di e mesun nivel ta traha e mesun prueba na e mesun momento. E prome periodo di Toetsweek cordina (CP-week) ta cuminsa dialuna 5 di november. Tur alumno a ricibi e materia cu nan mester prepara como tambe e rooster.

Mi mester recorda tur mayor pa yama scol y informa nos si un alumno no por presenta pa un prueba pa motibo di salud un situacion di gravedad riba e mesun dia cu e prueba ta tuma lugar. E alumno cu "meld ziek" mester pasa un keuring na oficina di Medwork na Tanki Flip 12 of na Bernhardstraat 101 na San Nicolas. Esaki ta un exigencia pa tur scol cu ta resorta bou di SKOA. Costo di e check up ta 35 florin cash. Mayor tin tres dia pa entrega e carta di dokter na scol. E carta di dokter ta duna e alumno e oportunidad pa traha un "inhaal toets". Por fabor tuma bon nota di esaki.

Pa sera e prome trimester, docentenan di scol a hinca un programa den otro cu ta trata diferente topico.

- **Dia di Salud** - Diaranson 14 di november tur alumno lo haya informacion di diferente instancia of persona cu ta traha den e area di salud. Lo tin diferente workshop cu lo trata salud fisico, deporte, calimentacion como tambe salud mental y motivacion.
- **BOD Beroepenorientatie** – Diahuebs 15 di november e alumnonan di CB2 y CA2 lo ricibi informacion di diferente instancia, compania of profesional cu lo conta un poco mas di nan trabou. Scol ta haya importante pa e alumno cuminsa pensa riba e posibilidadnan di estudio pa futuro como tambe riba e exigencianan di nos mercado laboral. Asina lo tin charla di entre otro Inmigracion, Polis, Brandweer como tambe di personanan cu tin un trabou cu awendia ta alternativo.
- **Prikichi Papiado** – Diabierna 16 di november nos scol ta celebra **Aña di Papiamento** den **Cas di Cultura** cu competencia pa alumnonan di nos scol. E actividad aki lo ta parti mainta y alumnonan cu kier participa ya a inscriba caba. Scol lo percura pa transporta tur alumno pa e evento pero ta pidi mayor pa busca boso yiu **1'or di merdia** na Cas di Cultura.
- **Comienso Trimester 2** – Dialuna 19 di november e di dos trimester di aña escolar 2018 – 2019 ta cuminsa.

Mi kier enfatisa cu e dianan aki ta dianan obligatorio di scol. Como team di docente nos ta haci tur esfuerzo pa ofrece nos alumnonan e mihor preparacion posibel. Na mes momento nos ta para keto y ta mustranan e importancia di e cultura di nos isla tambe. Participacion di tur alumno ta un indicacion cu cas ta apoya scol den esaki.



Como scol nos ta sigui pidi mayor pa e contacto cu boso yiu ta optimal. Awendia e hoben ta wordo confronta cu hopi peliger specialmente den e mundo digital cu nos ta biba awendia. Como scol nos no ta cansa di bisa cu un telefon celular ta sconde hopi peliger. Un fenomeno cu a lanta cabes ta esun di **“child grooming”**. Busca informacion di esaki y papia di esaki cu bo(so) yiu. Na scol y durante les nos tambe lo toca e tema aki pero e ta importante cu bo(so) como mayor keda na altura di fenomenonan nobo manera esun di child grooming.

Por ultimo mi kier recorda tur mayor cu por haya tur informacion di scol como tambe e calendar di luna riba nos website www.colegio-san-antonio.org.

Sperando di a informa debidamente.

Saludo cordial,

Gershwin Lee
Director Colegio San Antonio Mavo